

四部叢刊三編史部

天下郡國利病書

四

河南、山東

河南

備錄

蘇
軾

蘇
軾

疆域 天以河界豫是分之也舉河北三郡合而屬之河南

相維犬牙相錯畫疆者固有深心歟周書曰申畫郊圻慎固封守以康四海豫處平原無險阨足恃古今治亂之原良可攷鏡矣噫西跨崤函東連淮泗南絡荆襄北抗燕趙睇彼形勢豈特伊洛蟠地脊河南北秦關而已哉

形勢 河南布政使司 居天下中

鮑雲龍天原發微云中州居天下中其次曰鵠大大火壽

星系韋神主嵩山曰鎮星負險用武之國于天象則宏農分陝為兩河之會自陝而西為秦涼北紀山河之曲為晉代南紀山河之曲為巴蜀四戰用武之國則陝東三川中岳為成周西距外方大徑北濟南淮東連鉅野為宋鄭陳蔡河內及濟水之陽為邙衛漢東濱淮陰為申隨負海貨殖所阜之國則北紀東至北河北為邢趙南紀東至南河南為荆楚自北河下流南距岱山為三齊夾右

碣石為北燕自南河流北距岱山為鄰魯南涉江淮為吳越其用
文用武貨殖所阜之國皆所以育人民成造化開中國君臣父子
仁義禮樂之區也

咽喉九州閩域中夏

唐賈至虎牢關銘

鎖天中區控地四鄙

李唐

溫成居南北要衝綿亘萬餘里

白恪圖堂記汴居南北要衝分地尤廣河以南左海而右洛江以北

西楚而東淮綿亘萬餘里可謂重寄矣

北拒并分東至淮海

五代史梁帝記

開封府

天下要衝

酈生說漢高祖云陳留天下要衝

水陸都會

唐李勉傳汴川水陸一都會

岡阜繚轉龍盤虎伏

李清臣汴都記

不疆十同提封萬井

宋周邦彥汴都賦

處四

達之會

宋史 萬方所奏為天下樞

張洎封事

歸德府

帶以黍邱之野包以閼伯之疆孟潞出其右汴水經其

旁

備禦東南則九州之奧區焉廣衍沃壤則天下之膏腴焉

俱南

都賦南控江淮北臨大河徐城距其東汴國環于右

舊志

彰德府山林幽映川澤回紵

晉左思魏都賦

其地平廣闊大挾上党撫

襄國踰澶掖衛常為天下要

相臺志序

沃野千里民物蕃阜淇陽列其

前洹漳繞其後左挾衛河兼挹萬金之奇右阻太行實表天峯之

險

郡志

衛輝府左孟門右太行大河經其南常山在其北

史記峯麓奇峻

泉甘水溫

元史

北通燕趙南走京洛河山之間一都會也

元王輝記

左右

山河古稱重鎮

文獻通考

懷慶府帶河為固北連上党南迫洛陽

漢書寇恂傳

太行北峙沁水

東流近帶黃河遠挹伊洛舟車都會號稱陸海舊郡志山川延袤雄

跨衛孟

經舊圖

涑水出乎其西淇水出乎其東書傳

河南府

南望三塗北望嶽鄙

史記載武王言

三河若鼎足

漢貨殖傳三河居天下之

中若鼎足左據成臯右阻澠池前面嵩高後介大河

漢書

沂洛背河

東京賦

洛邑為天下之中

宋地理志

崤函有帝王之宅河洛為王者之里

文選

南陽府

西通武關東受淮海

史記

滄浪為隍方城為墉

漢張衡南都賦武關

瞰其西桐柏控其東疏滄浪而為隍廓方城而為墉湯谷涌其後清水盪其胸推淮引湍三方是通

襄漢藩籬

宋虞允文

奏議鄧為襄漢之藩籬古形勝之國也

用武之國

宋熊剛大云南陽北連中原東通吳會西接巴蜀南控蠻粵故諸葛

亮以為用武之國

汝寧府

汝水屈曲形若垂瓠

水經

隱然巨屏端若長城

輿地紀勝

四方最

中

元志豫州于四方最中汝南于豫州又最中

汝州

面環汝水背負嵩山左控襄許之饒右聯伊洛之秀乃中

州名郡也

州志

豫譚

范守已

史記云秦孝公令諸侯于逢澤漢書曰逢澤在開封府東北尉氏志乃謂逢澤在其縣北門外非是按古開封縣在尉氏西苑陵東逢澤在其東北當在尉氏西北數十里也

春秋時中年爲晉地故佛胥據之以叛其圍澤屬鄭不屬晉不應在中年郭外然則今之中年非春秋之中年矣以穆天子傳考之今中年當是郕邑井公所居之地也廣輿圖謂中年爲制爲廣武非是鄭莊公曰制巖邑也虢叔死焉杜元凱釋爲滎陽鄭邑也中年非鄭地何得爲制廣武在滎澤河陰間去年未遠

左傳隱公五年四月、衛人以燕師伐鄭、燕人畏鄭三軍而不虞制人、六月、鄭二公子以制人敗燕師于北制、註曰、北制、鄭邑、今河南成皋縣、宣公十年、諸侯遷于制、田、註曰、苑陵縣東有制城、是爲南制。

洧水出密縣馬嶺山、東流受溱水、又東過新鄭、受黃水、南至于長葛、北至于洧川、東至南、鄆陵、東至于扶溝、與鄭水合、南至于西華、與潁水合、東南至于潁上、與淮水合、自密至西華、其水春夏可塞、棠涉也、三月水增、謂之桃花水、夏秋漲潦暴集、潰壅不常、居人謂之小黃河、以其岸善崩故也、或謂鄭水爲小黃河、誤、謂爲賈魯河、亦誤、

漢書河南郡有京有密。註云故國有大駝山。潁水所出。南至臨潁。入潁。潁川郡有陽城。註云陽城山。洧水所出。東南至長平入潁。過郡三。行五百里。陽干山。潁水所出。東至下蔡入淮。過郡三。行五百里。棠陽城。今登封縣。潁水所出。是矣。當賸自有密縣。豈割洧源之地。當之登封耶。

河南郡有滎陽。註云汴水逢池皆在西南。有狼湯渠。首受汴。東南至陳入潁。過郡行四。七百八十里。陳留郡有浚儀。註云有睢水。首受狼湯水。東至取慮入泗。過郡四。行千三百六十里。陳留郡有陳留。註云魯渠水。首受狼湯渠。東至陽夏入渦渠。有封丘。註云濮渠水。首受汴。東北至都關。入羊里水。過郡三。行六百三十里。淮陽國

有扶溝、註云：渦水首受狼湯渠，東至向入淮。案汴卽濟水，所謂濟水入河，南決爲滎者也。卽汴水，汴水卽狼湯渠，亦作茆蕩。唐宋以前，其水自滎澤竄河而東，經中牟浚儀至彭城，與泗水合。至泗州入淮。當時河自大伾東北入海，故汴得專流。若是長也。其後大河面徙，奪汴泗之道以入于淮，則渠汴遂沒于河，不復專流南下矣。所可見者，唯滎水北流不數十里入河耳。故至今徐州志猶以大河爲汴河。據此，則曰汴曰滎曰狼湯曰汴皆相流貫也。第所謂狼湯渠至陳入潁，雖水受狼湯至，取慮入泗。魯渠受狼湯至陽夏入渦，濮渠受汴至都關入羊里水，渦水受狼湯至向入淮者，又何支離若是也。豈其正流合雖水入泗，其支流又各不同耶。今皆湮

塞莫可考據

漢書云。滎陽下引河東南爲鴻溝。以通宋鄭陳蔡曹衛。與濟汝淮泗會于楚。是鴻溝在狼湯渠北。瀕河東南。下與濟泗合流。南入于淮者也。其支派與宋鄭陳蔡諸水。皆相流通。厥後河徙不常。故流遂絕。正統間。河自中牟南行。由開封西南。經通許。雖陳東流入淮。由是汴南諸水之故跡。俱沒于河。已而河復北徙。止遺河形。彌漫而已。古跡茫然。莫可復辨。今西華猶稱古鴻溝。

漢書。陳留郡有偃。應劭曰。鄭伯克段于鄢。是也。潁川郡有偃。陵。莽曰左亭。李奇曰。六國爲安陵。則晉楚戰于鄢陵。是也。東漢魏晉俱因之。不知何者。爲今鄢陵縣。至于苑陵。莽亦曰左亭。豈鄢陵與苑

陵接壤。王莽俱廢之。以其地置左亭縣。邪大氏陽翟以來。鄭新以南。其地平曠。無名山。惟多岡陵。橫亘曲屈。不下三二十許。故左傳所謂陽陵大陵。魚陵鄢陵。六國所謂安陵馬陵。皆在其地。第今不能悉其所在耳。唯安陵爲尉氏地。漢爲富平縣者是。

左傳襄公十八年。楚師伐鄭。次于魚陵。右師城上棘。遂涉潁。次旃然。爲子馮公子格率銳師侵費滑。胥靡獻于雍梁。右回梅山侵鄭。東北至于蟲牢而反。子庚門于純門。信于城下而還。涉于魚齒之下。註云。魚陵。魚齒山也。在南陽。旃然水出。滎陽成皋縣東入汴。胥靡獻于雍梁。皆鄭邑。河南陽翟縣東北有雍氏城。梅山在滎陽密縣東北。魚齒山之下有洧水。故言涉。案上文言子庚帥師治兵于

汾、註云、襄城縣東北有汾丘城、茲乃謂魚陵爲魚齒山、在南陽、豈
于庚治兵于襄城、及欲伐鄭、乃南還走南陽耶、然則魚陵之不爲
魚齒山明甚、况下文又言魚齒山、何故于此言魚陵邪、至于梅山
若在密縣東北、則是鄭新西北矣、左氏何以云石田梅山、侵鄭東
北也、元凱之癖多此類、

開封、六國時魏邑名、惠王都大梁、在開封東、秦屬三川郡、西漢置
開封縣、屬河南郡、漢書註云、逢池在縣東北、又有浚儀縣、屬陳留
郡、註云、惠王自安邑徙此、所謂大梁也、東漢因之、開封屬河南尹、
浚儀屬陳留郡、晉開封、屬滎陽郡、浚儀屬陳留國、東魏置開封郡、
屬梁州、北齊廢開封郡、併入陳留郡、後周改梁州爲汴州、隋廢陳